

لحن نفعها

منة محمد جبر



دار طائفة الاساطير للنشر والتوزيع

01287439204


بِسْمِ اللَّهِ الرَّحْمَنِ الرَّحِيمِ

تفعلها

تخمن

للكتابة

منة محمد جبر



دار كتبة الاساطير للنشر والنويع
لنشر الكتب الإلكتروني و الورقية



للتواصل

<https://wa.me/+201122656328>



المقدمة

السلام عليكم ورحمة الله وبركاته
-أحب اقدم ليكو اعمالي و تعبي و

شغفي

-أحب اقدم رسالة لكل شخص يجب
حاجة و مش قادر يعملها اوعي
تياأس و حاول مره و اتنين و تلاته و

صدقني هتوصل

-إن الله دائما مع الصابرين و اللي

يبتعبوا عشان يحققوا حلمهم

-في رواياتي هنعرف معني التضحيه و

التعب و الصبر و ازاي هما وصلوا بعد

عناء طويل فلا تياأس يا صديقي



الآن

'دعونا نبحر سويا في هذا الكتاب لنكتشف
أن الحب ليس مجرد شعور عابر ، بل هو
رحلة مستمره نتعلم فيها أن نحب ، و
نعطي ، ونكون ، ونضحى '

1

قصتنا بتبدأ ب ساره بطله القصه

بدأت قصة ساره وهي عندها 16 سنه طالبه
ثانويه متميزه في الدراسه وحلمها تكون مديعه
مشهوره في كل حته عندها اخت اكبر منها
بأربع سنين واخ اصغر منها بسنتين اختها في
كلية الهندسه ومخطوبه وهي وخطيبها يحبو بعض
جدا بس ساره مش مستلطفاه ليه لأنو انسان
بارد وسمح بس هتعمل اي اهو عاجب اختها
نيجي بقا علي اخوها الصغير دا بقا فعلاً شوكلاته
البيت يعني ضحك وهزار وخروجات ولعب مع
بعض بس عيبوا الوحيد انو ميبتلش في بوقه
فوله

اي حاجه تحصل بينهم علي طول يا بابا يا ماما
حصل كذا كذا

اه نسيت اعرفكو ساره عندها اب اسمو عابد
وأم اسها فاطمه

ساره ربنا رزقها بأب حنون وام حنونه واسره
كلها حب وودفي باباها شغال مهندس في شركه
ومامتها ست بيت عاديه

كدا انا عرفتكو عن ساره واسره ساره كلها
نبدأ قصتها بقا

ساره في يوم نزلت هي واختها وخطيب اختها
عشان يشتروا شويه حاجات للجهاز نزلوا المول
وطبعاً زي العاده خطيب اختها كان بيرخم
طول الطريق

بس عادي كلو عشان خاطر متزعلش اختها
اصلهم ملهمش غير بعض ساره وحيده
وملهاش صحاب مقربين فا بتعتبر اختها صحبتها
وبتحكلها كل حاجه المهم هما تعبوا من كتر
اللف وشيل الحاجات اللي معاهم تعبوا وقالوا
يقعدوا فأى مطعم يتغدوا فيه ويستريحو شويه
وبعديها يكملوا فافعلا دخلوا المطعم وطلبوا اكل
واستريحو شويه وقالوا يلا نمشي لسه ساره بتقوم
من علي الكرسي لقت شاب داخل من باب
المطعم الشاب كان عادي طويل ووسيم
ساره اول ما شفتوا قعدت مكانها ومتحركتش
فضلت بصالوا الشاب دا راح وقعد في التراييزه
اللي قدامهم وطلب قهوه هنا بقا علي تراييزه
ساره اختها يلا يا ساره نمشي لسه ورانا حاجات
كتيره هنعملها ساره. ياساره يلا يينتي قومي

وفافت ساره من الهزلان اللي كانت فيه وقاموا
ومشيوا خلصوا يومهم وروحوا وكل حاجه تمام
بس ساره مش تمام ساره رجعت اه بس قلبها
وهقلها مع الشاب اللي كان في المطعم هنقول
ساره في فتره مراهقه وهتسي هقولكوا لآ ساره
منسيتش وفضلت سنتين كاملين بتفكر في الشاب
وكانت كل ما تنزل القاهره تروح علي نفس
المطعم وفي نفس التوقيت عشان تشوف الشاب
دا تاني وكانت للاسف مبتشفهوش هتقولوا هي
ساره اصلا ساكنه فين عشان تنزل للقاهره
هقولكوا ساره اسكندريه بس ساره كان عندها
خاله من القاهره فا كانت بتروح تزورها دايم
المهم ساره الحمد لله نجحت في الثانويه العامه بس
للاسف مدخلتش الكليه اللي نفسها فيها ودخلت
كلية الزراعة ولحسن الحظ انها اتقبلت في جامعه
القاهره وهتسكن عند خالتها وقت الدراسه وتبقي
تنزل في الاجازات تزور اهلها ساره فضلت
سنتين كاملين لسه بتفكر في الشاب دا ورغم انها
متعرفش عنوا اي حاجه غير بس شكلوا بس
ساره حبتوا جدا وكانت كل صلاه تدعي ربنا انو
يكون من نصيها وكان الف مبروك اختها التجوزت

وهي في اخر تانيه ثانوي هو عموما محدش كان
يعرف اي حاجه عن ان ساره حبت الشاب
وهتقولوا طب هي مش ساره واختها قرييين
لبعض ويحكوا كل حاجه لبعض هقولك ساره
خافت تقول نختها احسن تكسر مآدفها فا قالت
اسكت احسن وفعلا ساره بعدت عن اختها
جدا لدرجه انها مبقتش تحكلها عن اي حاجه
كان ما يحصل حاجه ساره تحكيها للشاب اللي
حبتوا

هتقولي ازاي هما اتقابلوا هقولك لأ بس ساره
عملت صندوق متوسط وسمتوا المغامرة
والصندوق دا مليون اسرار ساره كتبتهم
للشاب واكنها يعني بتحكيوا وبتتكلم معاه بس
علي هيئه كلام في ورق وعدت السنتين علي
كدا لحد ما وصلنا ليوم ساره كانت بتلم حاجتها
وخلص بتودع اهلها عشان مسافره للكليه
بتاعتها وخلص سلمت ومشيت

ساره وفي طريقها لبيت خالتها
وطول الطريق ساره كانت
يتمنا انها تقابل الشاب هناك في
اي حته ووصلت البيت ونامت
وصاحيه الصبح بتجهز الفطار
عشان تفطر هي وخالتها وتروح
كليتها وبالفعل فطرت وجهزت
وركبت التاكسي عشان تروح
الكلية وكانت بردوا طول الطريق
بتدعي ربنا انها تشوفوا وصلت
ساره الجامعه وقعدت خدت
المحاضره الاولي وداخله المحاضره
التانيه و.....

وصلت ساره الجامعه وقعدت خدت
المحاضره الاولي وداخله المحاضره الثانيه و
هي قاعده عادي جدا بتتكلم مع صاحبها
هتقولولي ساره لحقت يكون ليها صحاب
هقولكوا لأ صاحبها دي كانت معاها في
الاعدادي واسها ندا وهما كانوا يحبوا
بعض جدا بس خلصت المرحله الاعداديه
ودخلت المرحله الثانويه فا صاحبها نقلت
لمدرسه خاصه لانها بنت وحيده فا كانت
مدلعه وباباها دكتور تجميل كبير قوي فا
عادي انو يدخلها مدرسه خاصه
المهم وهما قاعدين وبيتكلهوا ويفتكرهوا كل
حاجه كانت بتحصل زمان وبيضحكوا
وصوتهم عالي ومره واحده راح داخل
عليهم واحد وزعق للمدرج كلوا انو يلتزم
الهدوء لان طبعا مش ساره وصحبها بس
اللي كانوا بيتكلهوا دا كان المدرج كلوا ما

شاء الله

ساره كانت قاعده بعيد شويه عن الدكتور
فكانت يدوب شايفه البورد بالعافيه ومش
شايفه مين اللي بيشرح نخلصت المحاضره
والدكتور مشي وكل الطلبة مشيوا وساره
روحتم عند خالتها تعبانه ومرهقه من اليوم
فا روحتم لقت خالتها عامله الغدا اللي ساره
بتحبوا ساره انبسطت قوي وباست راس
خالتها وقعدوا واتغدوا وساره استأذنت
ودخلت عشان تنام طبعاً هتسألوا هي خالت
ساره عايشه لوحدها طب ولو هي عايشه
لوحدها مرحتش تقعد معاهم في اسكندريه
لي انا هقولك خالت ساره اسمها هند عندها
ولدين واحد دكتور والثاني محامي والأتين
متجوزين وعايشين برا مصر وجوزها متوفي
من ست سنين وهي عشان ست مصريه
اصيله مرديتش تسيب بيت جوزها وتروح
تقعد عند حد حتي لو الحد دا كان ولادها
فا عشان كذا هي عايشه لوحدها

فا تروح الايام وتيجي ويعدي شهر من ان
ساره طالبه في كليه الزراعة في جامعه
القاهرة وبردولسه منسيتش الشاب اللي
شافتوا مره واحده بس في حياتها وحببتوا
مش قادره تنساه وفي يوم كانت راحه
الجامعه وزى ما هي متعوده تدعي ربنا ان
هي تقابل الشاب وخلصت اول محاضره وهي
كانت صاحيه متأخر فا ملحقتهش تفطر قبل
ما تنزل وراحت بعد ما خلصت اول محاضره
تجيب حاجه تاكلها وفعلا راحت وكان
المكان زحمه جدا فا اتأخرت ومشيت من غير
ما تاخذ السندوتش بتاعها عشان تلحق
المحاضره الثانيه لان هي عارفه الدكتور دا
صعب جدا في التعامل فوصلت ساره
ولسوء حظها دخلت بعد ما الدكتور دخل
وهي داخله ومرعوبه منوا وكانت اللي متوقعاه
حصل انوا يتعصب عليها ويطردها من

المحاضره بس مش دا اللي حصل بظبط
ساره بعد ما اتهزئت منوا هو قالها انا
هدخلك المرادي دا بس عشان شكلك
كويسه و ملتزمه معانا من الاول ولسه
ساره بترفع عنيا من الارض وتصلوا
عشان تشكروا وتلاقي اي قدامها
تلاقي الشاب اللي فضلت سنتين كاملين
بتفكر فيه وتدعي ربنا انوا يجمعها بيه
ساره طبعا انبهرت وبقت واقفه مزبيله
ومش فاهمه اي حاجه كل اللي بيدور في
دمغها هو بجد اللي حصل دا انا فعلا واقفه
قدام الراجل اللي حبيتوا من اول ما شفتوا
وفضلت واقفه مكانها اكر من عشر دقائق
تصلوا وتايهه فاقت علي صوتوا وهو بيقولها
لو سمحتي يا استاذة اتفضلي اقعدتي مكانك
عايز اكل شغلي وبالفعل قعدت وخلاص
هو خلاص محاضرتو ومشي وهي كذلك بس
بردوا مش مستوعبه حاجه وهل دا حقيقي
ولا بحلم ولا اي بظبط

الايام مرت وكان حب ساره بيزيد كل
ساعه عن التانيه ولسه بردوا محدش يعرف
حاجه خالص ومازالت ساره تكب كل
حاجه بتحصل حلوه كانت وحشه كانت
كل حاجه بتخطها في صندوق المغامره اللي
هي عملاه ومرت سنه كامله علي كل دا
واعجب الشاب بساره مش اعجاب اعجاب
يعني هي لفتت انتباهوا بالتزامها وشطارتها
في الدراسه وعرف كان انها انسانه
طموحه جدا انا نسيت اقولكوا شاب اسموا
اي اسموا احمد وعندوا 27 سنه وهو دكتور
بيدرس في جامعه القاهره

ماعلينا المهم ان حالف ساره الحظ
وقعدت هي واحمد في كفيه الكليه وقعدوا
واتكلموا وعرف كل حاجه عن حيات
ساره وحبها وفضل معاها وزى ما هي
كان حبها ليه بيزيد كل ساعه هو كان
حبوا ليها

بيزيد كل دقيقه وزى ما قولت فضل
معها لحد ما اتخرجت واعترفها بحبو
ليها بشكل رومسي جدا
كان عامل حافله تكريم للطلبه
وكانت جايزتها هي انوا قدام كل
الحضور فضل يتكلم هو قد اي حياتوا
اتغيرت من اول ما قابلها
وعن كل حاجه حصلت بينهم واتقدم
احمد لساره قدام كل الطلبة والدكاتره
الحاضرين والاهالي كان وعاشت
ساره مع جوزها اللي حبتوا من اول
مره شافتوا فيها وكان حب صادق
بينهم ومتبادل
وبكدا وصلنا لأخر قصتنا واللي كان
اسمها المغامر

2

ويي اهلا بجبايي اللي يشجعوني دايم
هنبدأ قصتنا الجديدة بتعريف شخصيات القصة
اول حد معنا وهي بطله القصة واللي اسمها
ريم رياض

ريم بنوته وحيده بين تلت اولاد وهي البنوته
الصغيره ليهم يعني الدلع والفرفشه و كل
حاجه حلوه في حياتهم ريم عندها اخ كبير
اسموا رامي و اخ ثاني اسموا امجد واللي اكبر
من ريم ب سنه واحده بس واللي اسموا عمر
ريم عندها اب حنون وطيب وشديد في
نفس الوقت ويخاف عليهم و عمروا ما حرهم
من اي حاجه واللي اسموا رياض و الام
طبعا ست الكل واللي اسمها فريده
ندخل في حياتهم شويه
يلا بينا

ريم قصتها بتبدأ من يوم ما اتولدت زي ما
قولت ان ريم بنت وحيده بين تلت اولاد
واكيد عارفين اتربت ازاي

بمعني ان هي كانت الدلوعه يعني اخواتها عندهم
ريم دي زي اللولي يخافوا عليها من اقل حاجه
ويحبوها جدا جدا جدا

وياااه بقا علي هزارهم الجميل يعني مثلا ريم
نايمه في امان الله زي اي حد ييجي اخوها امجد
من الچيم والي عندوا 20 سنه يصحبها من
احلاها نومه عشان تعملوا فطار فتصحي ريم
اي يحببي فطار اي يابا اللي الساعه 3 الفجر دا
اي

يرد امجد: قومي يا مرم دا انا جايب شويه
اكل انما اي
وتقوم ريم ما هتاكل هي كان فا تقوم ويلا
ادي سهره لذيده

ومره تانيه عند رامي والي عندوا 24 سنه ودا
دكتور اسنان

يعني الكبير العاقل بس عاقل مع الكل ما عدا
ريم

بيعلق علي اي حاجه عشان يدايقها والصراحه
هي مكنتش بتدايق لانها كانت بتعتبر اخواتها
دول هما نور عنيا من غيرهم هي ولا حاجه

ويبيي نيجي لعمر والي عندوا 18 سنه ودا بقا

في ثانويه عامه يعني هر موناته بيطلعها علي ريم
لو كان زعلان بينكد عليها او فرحان فا دا بقا
بيروق عليها خروجات وفسح وعزومات وكل
حاجه

وبكدا اكيد عرفتوا ريم عندها كام سنه ريم

عندها 17 سنه يعني تانيه ثانوي

يلا نتكلم عن ريم شويه

ريم بنت زكيه جدا وبتحب القراءه جدا

جدا وبتقرأ كتب كثيره جدا لدرجه ان

اخوها رامي عملها مكتبه في اوضتها وفيها كل

الكتب اللي بتحبها

وكان رامي كان بيقرأ بس مش متأثر بيهم

قوي

انما ريم كانت بتتأثر بأي كتاب هي قرأتوا

مثلا كتاب رعب او حب او حزن او اي

حاجه كانت بطبق كل حاجه قرأتها في

حياتها وكان حياه اسرتها بس ميقدروش

يعملوا حاجه لانها الدلوعه والمفروض انها

عارفه هي بتعمل اي

وزي ما قولنا ان ريم كانت بتحب القراءه جدا
وكان بتتأثر بكل كتاب قرأتو وأحب اديكوا
مثال بسيط

ريم قراءت كتاب بيتكلم عن الموهبه وانك
ازاي تكتشفي نفسك و تعرفي عندك مواهب
اي وازاي تستغليها ريم بقا بكل بساطة
اكتشفت ان صوتها حلو و تقدر تغني وتسمع
العالم كلو وتعرفوا ان في موهبه مدفونه فيها
ههه و ياريتها ما اكتشفت دا لأن دا عمل
احراج ليها و لخواتها و لصحاب اخواتها كان
هههه

يعني مثلا أمجد كان عازم صحابوا كلهم في
البيت وسهره جميله لطيفه لحد ما جه معاد
الغدا اتغدوا الحمد لله و كلوا تمام
حبت ريم الموهوبه صاحبه الصوت الجميل
تغنيهم حاجه من اغاني الفنانة القديره ام
كلثوم

وغنت وياااااه كانت مستمتعته احسن

استمتع ولا عبد الحليم حافظ واقف ههه

خلصت الحمد لله الاغنيه والكل فطسان ضحك
عليها و للأسف سببت احراج لنفسها ونحوها
بالرغم ان اخوها كان فطسان معاهم اصلا
ههه

خلص اليوم وريم قالت ان دول هما اللي ضد
النجاح وفضلت للأسف مقتنعه ان هي صوتها
حلو

وفي يوم راحت ريم الدرس والمستر اداهم
بريك كدا عشر دقائق يرتاحوا فيه فا ريم
قالت خلاص دي فرصتي اني اعرفهم
بموهبتي وطلعت ريم علي المسرح ومسكت
الميك والمستر طبعا أكيد منتظر حاجه جميله
والكل قاعد ومستمع و مستني الموهبه تطلع
وغنت ريم وابهرت الكل طبعا و الكل
فطسان من الضحك و هنا قررت ريم انها
مش هتغني تاني و فضلت مقتنعه بردوا ان
هي صوتها حلو و هما اللي عايزين يحبطوها ههه

وعدت السنين وفضلت ريم بتعمل
نفس الموضوع مع كل كتاب بتقراوا
لحد ما بقت ريم دكتوره اسنان كبيره
ومتميزه في شغلها و كل حاجه في
حياتها هي شغلها و قراءه الكتب وطبعا
اخوتها اتجوزوا ما عدا عمر اللي هو اكبر
منها بسنه

ولحد ما قبلت ريم شخص كانت فعلاً
محتاجه بعد اخواتها و اللي اثر فيها لما
اخواتها اتجوزوا ان مبقتش ريم الدلوعه
اللي كل طلباتها مجابهه والفرغوشه كل
حاجه للاسف اتغيرت فا كانت ريم
محتاجه اللي يعوضها

وزي ما عرفنا ان ريم حياتها اتغيرت بعد ما

اخواتها الاتنين اتجوزوا و انحرمت من دلهم

لأ يبساطه كل حاجه اتوفرت للعروسة

ما علينا ربنا يهنهم

المهم انا قولت ان ريم لقت العوض

طب ازاي وفين وامتي وحصل اي انا

هقولكوا

ريم زي ما عرفنا ان هي بقت دكتوره متميزه

وقدرت في وقت صغير جدا ان هي ثبتت

وجودها واتشهرت جدا

تعالوا معايا اعرفكوا مين هو العوض

جاهزين يلا بينا

العوض دا اسمو اسلام

اسلام دا شغال مهندس معماري كيببير جدا

و والده دكتور اسنان معروف في كل البلاد

وعندوا مستشفى كبيره جدا جدا بأسموا

فا ريم كانت دكتوره هناك يعني متعينه هناك

دي

بس المشكله ان هي مش عارفه شعوروا هو اي
يعني شويه بيعاملها بطيبه واحساس ههه
وشويه يعمل ان هي مش في تفكيروا ومكنتش
فاهمه اي اللي يحصل كانت بتتكلم معاه ولا
اكنهم صحاب من زماااان جدا
ومره نتعامل قدام اللي موجودين ان هو ولا في
تفكيروا
فا هي تاقت من اللي بيعملوا واللي هي كان
بتعملوا
طبعا هتسألوا طب هي في الفتره دي بس
حصل كل دا
انا هقولك اكيد طبعا لأ
ريم واسلام كانوا صحاب في في الشركه هتقولوا
شركه اي
ريم واسلام قبل ما يتخرجوا يعني في فتره
الجامعه كانوا شغالين مع بعض في شركه اهو
يساعدوا نفسهم ويلاقوا حاجه تسليهم في
الاجازة (المهم)

في فتره الشغل دي كان اسلام موجهه
كل نظراتوا واهتماماتوا مع ريم لدرجه
ان كل الموجود خد بالوا وخلوا ريم تاخذ
بالها ريم طبعا مكنتش مهتمه بالكلام دا
لأن كان عندها حلم وعائزه تحققوا ريم
طباخه هاييله فا كانت بتجيب اكل
لصحابها ويقعدوا ياكلوا و يقضوا ايام مع
بعض جميله وبقت ذكري جميله جداً جداً
لريم وكانت بتكتب كل حاجه بتحصل
معاهم و من ضمن اللي بتكتبوا ان هي
واخده بالها من اسلام واللي بيعملوا
منكرتش ان هي حبتوا هي كان
يووووووه انه الحب يا ساده

والايام راحت وجت بقت ريم
دكتوره واسلام مهندس
فا طبعا بعدوا عن بعض جدا
ومكنوش ييشوفوا بعض بالشهور
بس كانوا بيتقبلوا مع صحابهم اللي
كانوا مع بعض في الشغل
وفضلوا صحاب

وكانت ريم بتنتظر اي مسدج من
صحابهم عشان يتقابلوا كانت ريم
بتحاول تتدخل تكلموا بس
طبعا دينها و بريستيچها ميسمحش
بكدا ابدأ ههه
فا كانت ساكته ومقلتش لحد ان هي
واقعه في حبوا لا لا
كرامتها متسمحلهاش بعد ما كانت
بتقول ان هو اخر شخص هي تفكر فيه
بقت بتوت فيه
سبحاااانه
ما علينا بقا

زي ما قولت ان والدها توفي و
دخلت في حالة اكتئاب فاطبعا
صحابها مسكتوش وكانوا يحاولوا
يخرجوها من اللي هي فيه بس بردوا
مفيش فايده هي كانت بترفض
وفي يوم كدا قال اسلام ان هما
عايزين يتجمعوا عشان هو عايز يودعهم
عشان مسافر وبرزوا يخرجوا ريم من
الحاله اللي هي فيها وبالفعل ريم
راحت

وكلوا اتجمع وبدأ اسلام يودعهم وجه
يقول لريم سلام ريم انهارت من
العياط

حقها طبعا تعيط يعني والدها يفرقها
وكان حب عمرها يسافر وهو لسه
معترفلهاش بحبوا

انتو هتتفاجئوا من اللي هيحصل

ريم مسكتش و كانت في يوم قرأت في كتاب
ان مش مهم مين يعترف للتاني بحبوا المهم ان
يكون الحب بينهم صادق و ماشي في علاقه
كويسه

طب وهي ريم كانت واثقه من حب اسلام
هقولكوا لأ بس هي كانت فرصه وقالت تستغلها
واستغلتها وكانت احسن استغلال الصراحه
ريم وهي بتعيط خادها اسلام وبعدها عن
الموجودين وفضل يهديها و هو بيقولها انا مش
هروح وانساكوا انا هكون جنبكوا ومعاكوا بس
هنتكلم فيديو كول اكني معاكوا بظبط
وانا عمري ما هنساكوا
وكذا كذا

وجفاه ريم قالت اسلام انا
بحبك.....

واستوب الطرفين سكتوا
اسلام سمع كذا رن علي اخوها وطلب ايديها
وهما واقين نفس الوقفه
تخيلوا المنظر و الحاله اللي هما فيها

طبعاً محدش كان فاهم حاجه اى
دا تحولت ريم من واحده نكديه
بتعيط وقلبها مكسور لأنسانه طيره
ومش عارفه تعمل اى

رجع اسلام للشله و طلب ايديها
قدام صحابهم و الكل فرح جدا
وزغاريط و فرحه و بهجه فى المكان
مش طبيعیه

راحوا كلهم خدوا والد اسلام
رجعوا على بيت ريم و طلبوا ايديها
و حددوا الفرحة هيكون فى ذكرى
وافاه والدها

والكل وافق بس طبعاً كان فى شويه
صعوبات وقفت قدامهم
يعنى مثلاً

اسلام سافر وسابها و كان بينزل
زياره كل ست شهر ولحد ما
جهه معاد الفرخ و طبعا هما
الاتنين اتفقوا ان مفيش فرح
وهيكون كتب كتاب عادي
ويقدوا شهر العسل في باريس
و رجعوا للكويت بعد شهر العسل
لأن اسلام كان مقيهم هناك و
هي كان اقيمت معاه
وكانت احلا تسرع من ريم ان هي
تقول اللي جواها في
و بكدا اقدر اقول ان قصتنا
خلصت بحياه اتنين زوجين عاشوا
احلا حياه

3

مفیش علاقه بتبني بين اتين يحبوا بعض
وفاهمين بعض غير لما تكون مدروسه كويس
جدا

فا انت بعد دا كلو جاي تقولي احنا لازم ننهي
كل حاجه طب ازاي وازاي نسيت حبك ليا
وكلامك و تشجيعك علي ان العلاقه تكمل
خلاص كدا زهقت من حبك ليا و زهقت من
كلامي وخوفي عليك يا أخي دا انت كنت كل
حياتي والاختيار مش اختيارك لوحدك
انا بحبك يا زين و عمري ما هقدر استغني عنك
بحبك يا أخي بحبك

ازيكم يا حبايبي

اهلاً بيكم في قصتنا الجديده

تعالوا معايا اشرحلكوا كل حاجه بالتفصيل
معانا بطله قصتنا انهارده واللي اسمها مني
مني مخطوبه لواحد اسموا زين

قصتهم كانت مليئه بالصعاب والتحدي بس هما
كانوا بيشجعوا نفسهم علي ان العلاقه تكمل
ويعيشوا الحياه اللي راسمينها من اول ما اعترفوا
بحبهم لبعض اول يوم في الجامعه

مني وزين الاتين نفس العمر عندهم 26

سنه مخطوبين بقا لهم سنه واحده وهما
حب اربع سنين كانوا مع بعض في
الثانوي وزين جاب اقل من مني ومني
كانت جايبه مجموع كبير جدا بس هي
اتخلت عن مجهودها في صالح حبها لزين
واتنازلت ودخلت الكليه مع زين وهو اللي
كان بيضغط عليها و منكرش انو يجيها و
هي بتموت فيه يعني مستعديه تسب كل
حاجه وتبوظ حياتها عشان بس تفضل
معاه (في الحلال طبعا)

ودخلوا هما الاتين كليه الحقوق وتفوقت
مني بردوا عليه وخلصت الاربع سنين
جامعه بتقدير ممتاز

وطبعا زين خدهم في خمس سنين
والحمد لله خلصوا واتخرجوا
زين قال لمني انا مبحبش مراتي تكون
بتشتغل فا انا مسمحلكيش انك تكوني
شغاله وتصرفي علي البيت

مني: انا مش هشتغل عشان اصرف علي

البيت انا بس بساعد نفسي عشان نتجوز

بسرعه

رد زين: بردوا لأ هو انا مش راجل ولا

مستحيل مراتي تشتغل وانا عايش

وطبعا عرفتوا اي اللي ورا كلام زين

زين كل اللي يحاول يعملوا انو يدمرها

ميخلهاش تتفوق عليه في حياتها العمليه هو

يجبها اه بس الغيره منها قصرت عليه

بس هو كان يحاول انو يسيطر علي نفسوا

ويخلي الحب يزيد ما بنهم بس مفيش فايده

زين لما دخل حياتها اكل عقلها بكلمتين

عشان تبقي لوحدها و تبعد عن صحابها علي

اساس ان هما هيوظوا حياتهم و يوسوسوا

لمني لتخريب العلاقه فا مني عشان بتحبوا

معهميه بمرايه الحب فا صدقتوا بعدت عن

الكل

بس هي مبسوطه لأن هو يجبها وقالها عمري

ما هستغني عنك ابدًا

قالها ها قالها فاهمين طبعا
المهم مني قابلت واحده وحبته
جدا والي اسمها سلمي و
صاحبته بس طبعا بعد ما
اتحايلت علي زين تلت شهر
كاملين ان يخليها تصاحبها ووافق
اخيرا زين
وبقت مني وسلمي بستات
واكثر من الاخوات وكل
اسرارهم مع بعض
والحمد لله ان سلمي دخلت
حيات مني

انتوا عارفين ان زين سمح لمني ان هي
تصاحب سلبي وبالرغم انو كان عارف
ان دخولها حياتهم هيبوط كل حاجه
بس كان يحاول يبين لمني قد اي هو
يحبها وبيعمل اي حاجه عشان يعبر
عن حبوا ليها

زين شاطر قوي في الكلام يعني لو مني
لابسه دريس يفضل يتكلم عن جمالها
وعلي قد ايه هو معاه جوهره ويقولها
اشعار في لبسها والميكب و شكلها كلو
طب هو زين شاعر !!؟

هو مش شاعر قوي نقدر نقول ان هو
بيقلف اشعار وبيقرا كتب رومانسيه و
أفلام ومسلسلات رومني و حافظ
اشعار لشعراء كبار جدا اصل بصوا مني
جميله واول حد يدخل حياتها هو زين
وزين هكذا

اول واحد يحبها هي كانت مني بس زي ما
قولت ان الغيره منها سيطرت عليه تعالوا
نرجع لمني وسلمي
بصوا سلمي كانت في كليه الزراعة بس هي
ومني في نفس المدينة يعني قريين لبعض
جدا سلمي مثقفه جدا وكانت مخطوبه قبل
كدا بس طلع واطي و سبتوا بعد ما اخذ
منها كل حاجه حتي القون مش بس كدا
هو كان جايلها شنطه باج في عيد الحب فا
طلبها منها وخذها ياجماعه دا حاسب اخوها
علي العزومات والخروجات اللي كان يخرجها
لسلمي

مش بقلكوا واطي ههه
الهم بدأت سلمي تموف اون وبعدت عنوا
وظبطت حياتها شويه وبحكم ان سلمي
صحبت مني فا كانت بطبق خبرتها علي زين
ويعيني الراجل غلبان شويه
بس والله سلمي كانت بتتصرف بحكمه ازاي
انا هقولك

اول حاجه كانت بتتعمد تنزل
معاهم في اي خروجه مش تطفل
لأ كانت بتكتشف هل هو بخيل او
خاين بس الحمد لله هو نجح في كل
الاختبارات حاولت محاول تانيه
وبدأت تقرب منو ودا بموافقه مني
طبعاً هي سلمي نيتها خير قالت لو
زين حاول يقرب من سلمي يبقي
خلاص هو انكشف و طلع خاين
وحقير ولو احترم نفسوا وحافظ علي
حبوا لمني يبقي بالرفاق و البنين ههه
بالفعل قربت سلمي من زين بس
الحمد لله الراجل طلع محترم و
كويس
بس في المحاوله التالته زين بوظ كل
حاجه

زي ما عرفنا ان سلمي كانت يتمتحن

زين و تكشف حقيقتوا قدام مني

الحمد لله زين نجح في اول اختبارين و

زي ما قولت انوا بوظ كل حاجه في

المرحله الثالثه

طب ايه هي المرحله الثالثه

تعالى اقولك سلمي شالت ايديها من

الاختبار بس قبل ما اقول هي شالت

ايديها ليه تعالوا اعرفكوا شويه تفاصيل

عن الحاله اللي وصلتها مني بسبب سلمي

مني دلوقتي بقت محاميه كبيره اللي حدا

ما يعني الحمد لله قدرت تعمل المكتب

اللي هيحقق حلمها و زين كان رافض و

الناس الكبار بدؤا يعرفوها ويخلوها

محاميتهم الخاصه

فا من ضمن الناس الكبار دول ان في

عيله كيبيبيبيره جدا جدا جدا

عينوها المحاميه

الخاصة بتاعت العيله والعيله كبيره جدا طبعا
فا مني طبعا بدأت تشق طريقها و تحقق حلمها
بالفعل بس تعالوا اقولكوا عن غباء مني في
كل فرصه تجيلها

اول ما مني عملت المكتب بتاعها جابت زين
وخلتوا مدير المكتب و هو كان الاساس اللي
بميشي بيه المكتب و كانت بترشحوا لأي فرصه
تجيلها و تخليه هو اللي يتصد و ينجح بنفسوا بس
طبعا طبعا زين فشل وخسرهما تلت قضايا بتلت
عائلات بسبعين ألف جنيهه و كان يبجي يقولها
بكل بجاحه انا مكنش في اعمل حاجه اكر
من اللي عملتها

و مكتب مني مشتغلش ولا اتفتح غير بعد
طبعا موافقه و شروط مهمه و منفذه من
الاستاذ الكبير زين و اول شرط من شروطه
1/ مفيش اي عميل يتكلم معاكي بشكل شخصي
2/ مكنتي يكون اكبر من مكتبك عشان انا

الراجل طبعا

3/ انا همسك الحسابات و انا اللي هتعامل في

مواضيع الفلوس متشليش هم

4/ لازم الكل يعرف اني محامي شاطر بس

مبجيش ابين دا

بس هي دي الشروط شايفين سهله ازاي هههه

بس الصراحه موضوع الترشيح دا من مني

لو حدها هو مضغطش عليها

واتفتح المكتب و بدأت مسيره الحقد و السيطرة

و الغل تسيطر علي زين بس بردوا هو يجبها

وميقدرش يعيش من غيرها

كفايا عقد لحد كدا

تعالوا بينا نروح علي بيت العيله اللي مني محامية و

اللي كانت اسمها عيله فريد باشا دي عيله كبيره

جدا جدا و فريد باشا دا اكبر واحد في العيله و

عندوا اولاد واحفاد كتيره جدا و واحد من

الاحفاد دا كان اسموا فريد

فريد مهندس معماري و عندوا 32 سنه و نص

لازم النص لأنوا انسان منظم جدا جدا و في

نفس الوقت فرفوش و محترم و كل الصفات

الحلوه والوحشه فيه

المهم اللي رشح مني لعيله فريد باشا هو فريد
نفسوا لأنو شافها مره واحده وهي كانت
بتجيب مشتريات المكتب الجديد
فا سأل و دعبس وراها لحد ما عرف عنها
كل حاجه من يوم ما اتولدت لحد انهارده
وطبعاً عرف من سلبي صحبتها لأن فريد
وسلبي بيست فريد قوي فا من هنا بدأت
الحكاية و فريد حاول يفهم مني اكترو
يقرب منها عشان حتي يعرفها اكترو و
يحاول يحل مشكلتها بس مني كانت امينه
جداً وكانت كل مره بتعتزرا انها مش
هتعمل حاجه تزعل زين منها
طبعاً بتسألوا هو بعد كل اللي حصل دا
مني صحبتها لزين مقلتش
بصوا هي قلت اه بس مقلتش قد ما
اتحولت
اتحولت من اصرار مني علي انتصار حبا و
تكوين حياتها مع اللي بتحبو

ل اعتبار زين اخ او صديق مقرب
بتحاول تقوموا علي رجلوا فالأسف مني
مقدرتش تكمل مسيره الاصرار علي
الحب و التكلمه وتعبت من زين و قررت
لأول مره انها تخرج زين من حياتها و
بالفعل هو خرج وبكل سهوله واتخلي عن
كل حاجه و سافر برا وطبعاً كانت
بفضل فريد طبعاً في فتره الاضطراب
دي بدأ فريد يقرب اكثر من مني و
يحبها فيه بس مني رفضت و خرجت
كل الناس من حياتها اي مرحله الحب
بس سلمي زي ماهي و فريد دا اعتبرتوا
صديق مقرب هو كان
وعاشت مني في سلام من غدر الحب
وكونت شله جميله مخلصه و بدأت حياه
العمل وشالت فكره الحب و الجواز
والافلام الوردية خالص من دمغها و
خلصت حكايتنا

انخائمة

"قد يكون الكتاب قد وصل إلى نهايته ، لكن
الحب يبقي دائماً في القلب ، يتجدد مع كل
يوم ومع كل تجربه . فليكن هذا الكتاب
تذكره دائماً بأن الحب هو جوهر حياتنا ، وبه
نعيش ونحيا "



اللهم

بِسْمِ اللَّهِ الرَّحْمَنِ الرَّحِيمِ

تفعلها

أحسن

اللكائمية

منة محمد جبر



دار كتبة الاساطير للنشر والنويع
لنشر الكتب الإلكترونية الورقية



للتواصل

<https://wa.me/+201122656328>



لحن نفعها

منة محمد جبر



دار طائفة الأساطير للنشر والتوزيع

01287439204